

四庫全書

經部

欽定四庫全書

春秋分記卷三十三

宋程公說撰

書十五

疆理書第九

山

四嶽

昭四年
下同

東嶽泰山

襲慶府奉符縣西北

南嶽衡山

潭州衡山縣汭湘千里九向九背

西嶽華山

在舜為西嶽周禮為中嶽蓋周宅洛邑與冀不同大
華今在華州華陰縣巨靈辟之以通河流少華在華
州鄭縣其山聯屬東北至冀東南至豫西南至梁西
北至雍四州之境在焉春秋分秦晉界

北嶽恒山

中山府曲陽縣西北連

關

真定府慶源府爲州蔚州

界

三塗

西京伊陽縣有三塗山或謂伊闕大谷轅轅是三道
非也

陽城

西京登封縣東北有陽城山洧水所出

大室

地理志云武帝置嵩高縣以奉大室號為中嶽有少室在大室之西今登封縣地

邲鄢

宣三年

成王定鼎于邲鄢在洛陽西邲鄢二山相屬

大行

襄二十三年

地理志云東大行在河內山陽縣西北大行在河內野王縣西北魏郡鄴縣北按北山起於孟州濟源縣界一名皇母山一名女媧山述征記曰大山首始於

河內北至幽州凡八陁第一軹關陁在濟源第二大
行陁長四十里第三白陁今在懷州河內縣餘五陁
在鄴中山幽州界山陽今澤州野王今懷州禹貢曰
大行恒山至于碣石入于海北條地脉於此始畢壯
哉

萊柞

昭七年

魯地今萊蕪縣

具

敖

桓六年

二山皆魯地在平陰

敖

鄆

宣十二年

二山皆鄭地鄭州滎陽縣西北有敖山孟州河陰縣有鄆山鄆在敖山東南

殺

僖三十三年

西京永寧縣西北有三嶠山一名嶽崙山嶠有二陵自東嶠至西嶠三十五里東嶠長坂數里車不得方軌西嶠石陂十二里其地今又屬陝州漢之澠池界

方城

信四年

崗阜自唐州比陽縣相比連接西至方城縣又至西
汝州葉縣南故號方城楚國方城以為城蓋北門之
險

繹

文十三年

襲慶府鄒縣此山東西二十里高秀獨出

首山

宣二年

河中府河東縣東南

靡笄

成二年
下同

齊州長清縣有此

華不注

齊州歷城縣有此

梁山

成五年

爾雅曰梁晉望也公羊曰河上之山也今在同州韓城縣西是為大梁山及有小梁山亦在邑界禹貢梁山韓奕篇奕奕梁山即此

衡山

襄三年

湖州南

巫山

襄十八年下同

東平府東北

梅山

鄭州密縣東北

魚齒

汝州襄城縣

荆山

昭四年
下同

襄陽南漳縣東北有此山

中南

地理志云在扶風武功縣東太一山也今在京兆鳳
翔之間自岐山郿縣南連延東至京兆長安縣西武
功縣南周之名山關中記曰在天中居都南一名中
南一名地勝

歧

地理志云在扶風美陽縣西北今在鳳翔府岐
山縣東北河圖括地象曰岐山在崑崙東南為
地乳周之興也鶯鶯鳴人謂之鳳凰堆水經注
其峯高峻迥出諸山亦名天柱岐水出焉合漆
入渭

塗山

壽春府

羽山

昭七年

海州懷仁縣

北山

昭二十二年

王田北山杜預注北邙也在西京洛陽縣登之
見孟津

小別大別

定四年

禹貢曰導嶓冢至于荆山內方至于大別又曰
嶓冢導漾東流為漢又東為滄浪之水過三澨
至于大別南入于江禹治山通水南條荆山首

起蟠冢至于荆山又為內方大別二山內方今
復州之竟陵大別今漢陽之漢川也南條其尾
至此而極亦壯偉矣孔安國釋南入于江謂觸
山迴南入江蓋漢水至大別山為大別所擊故
回波以南入于江非本性欲南也左傳吳師伐
郢楚子常濟漢而陳自小別至于大別京相璠
春秋土地名曰大別漢東山名也在安豐縣南
顏師古曰大別在廬江安豐杜預釋地曰二別

在江夏界近漢之名無緣乃在安豐也案地說
言漢水東行觸大別之陂南與江合則與尚書
杜預之說同蓋小別在今德安府大別在今漢
川縣楚自郢濟漢又自小別至大別地形順便
今大別山之北漢口即漢水入江處且安豐至
江夏一千五百里相距甚遠又淮水之南非江
漢合流之地京相璠顏師古安豐大別之說斯
不足證

龜 定十
年

襲慶府奉符縣有龜山魯頌謂龜蒙蓋二山也

蒙 哀十
七年

地理志云蒙山在泰山蒙陰縣西南今在沂州費縣
西新泰縣南分二邑界山高四十里長四十六里齊
魯會盟即蒙山之陰魯地也

會稽 哀元
年

紹興府會稽縣南有此山

菟

和哀四年

商州上雒縣

沙鹿

僖十四年

北京大名府有五鹿墟即沙鹿也郡國志曰五鹿故沙鹿有沙亭

山關名六

阜山

文十六年

萊山

昭五年下同楚地

坻箕之山

楚地

岡山

十一年

坻山

十二年晉地

桑山

十六年鄭地

山釋異

萊山有三

昭五年楚子次萊山楚地

七年與之萊詐魯地

萊國有萊山今登州黃縣

敖山有二

桓六年魯之敖山在平陰

宣十二年鄭之敖山在滎陽

衡山有二

昭四年南嶽衡山在潭州

襄三年衡山在湖州烏程

坻山有二

昭五年坻箕之山楚地

昭十二年坻山晉地

塗山有二

昭四年三塗在西京

禹會諸侯于塗山在壽春

水

江

昭三
年

廣雅曰江貢也地理志云出蜀郡湔氐道西徼外岷
山東南至江都入海過郡七行二千六百六十里山
海經曰岷山東北峽山又東至岨山江水出焉東注
大江郭璞曰中江出岷謂今簡州江也北江出岨此
皆岷山旁之小江今按江出松州嘉城縣甘松嶺亦

曰松桑嶺其地北連折支其水一名汶水流岷山始大自此遂東南流而悉州沱水東來與江會故曰東別為沱東南經成都南經嘉定府沫水入焉至瀘州涪水從西北來東南至重慶府則有嘉陵江巴江入又東經涪州黔江入忠萬夔州有巫水入歸峽有清江又東至枝江有沮水入石首涌水入又東過岳州有澧水從西入洞庭水亦自南入又有浣水湘水從西南來入江共而東至鄂州漢水入焉始經九江

至鎮江府有丹陽水從南來入又東經揚州有邗溝
水出焉又東經江陰許浦始入于海

河

倍四年

春秋說題辭曰河之為言荷也荷精分布懷陰引度
也釋水云河出崑崙自禹本紀山海經水經皆云然
張騫使西域窮河源謂河有兩源一出于闐一出葱
嶺同入蒲昌海一名鹽澤按于闐國南河轉達山或
云即崑崙也河源出焉一名首枝河北流七百里入

戍水一名計首河北與蔥嶺河合同入鹽澤蔥嶺在
疎勒國西北東入鹽澤去沙州西三百里潛行地下
為中國河然既曰潛流頗同臆說非實見鹽澤與河
通也至唐吐蕃為大國居積石西南唐聘使始見黃
河在吐蕃中西南數千里向東北流與積石河相連
吐蕃人言崑崙山在其國內長慶中劉元鼎為盟會
河之上流西南行二千里水益狹其南三百里三山
中高而四下曰紫山古所謂崑崙也虜人謂悶摩黎

山直距長安五千里河源其間澄流緩下稍合衆流
則赤它水并注則濁度其源直莫賀延磧尾蓋劔南
之西爾禹導河自積石北行至豐州又東至忻州乃
南三曲三千餘里至河中府龍門直南至華州鄭縣
衝激華山折而東迴故其地曰潼關亦曰衝關即經
所謂河曲東包底柱于陝州東過孟津于河南府東
過洛汭于鞏縣至鄭衛之大伾禹以為河所從來者
高水湍悍難以行平地乃醜二渠以引河北載之高

地故自此北過降水在今大名府之南被大陸于邢
趙間分為九河流至滄州同為逆河以入大海自積
石而下九折行九千四百里

淮

桓八年

春秋說題辭曰淮者均其勢也禹貢導淮自桐柏地
理志出南陽平氏縣東南桐柏大復山東南至臨淮
淮陵縣入海過郡四行三千二百四十里水經出胎
簪山孔穎達曰桐柏旁小山也荊州志曰出桐柏潛

流三千里東出大復山在唐州桐柏縣關至楚州山陽縣會泗沂之水東至漣水縣界入海

濟隱三

春秋說題辭曰濟齊也齊渡也地理志出河東垣縣東北王屋山東南至河內武德縣入河溢出河南滎陽北地中又東至千乘琅槐入海過郡九行千八百四十里孔穎達曰泉源為沆流去為濟在溫縣西北平地今濟水出孟州王屋縣東至濟源縣西北三里

平地有二源東源周廻七百步深不測西源周廻六百八十餘步稍淺山海經曰王屋之東澥水出焉是也至懷州武德縣東入河十數里西南截河又並流數里溢出鄭州滎澤縣名南濟水滎口在焉東出曹州定陶縣陶丘北遂為河入單州魚臺縣會泗水又東北至鄆濟間會汶水又北折而東至青州博興縣入海謂之海浦又接濱州渤海縣蒲臺南謂之潮口淀皆濟入海處王莽末旱涸濟不越河汴渠成後濟

堤又竭今東平濟南淄川北海界中有水入海謂之
清河乃荷汶合流爾水經後漢和帝時作謂濟南過
滎澤至乘氏等縣蓋非實錄

漢桓六年

禹貢嶧冢導漾東流為漢又東為滄浪之水過三澨
至于大別南入于江水經漾水出隴西氐道縣嶧冢
山東至武都沮縣為漢水又東北至廣魏白水縣注
曰東西兩川俱出嶧冢而同為漢水今西縣嶧冢山

西漢水所遵也大抵梁州左山皆曰岷右山皆曰嶓
出於岷者皆曰江出於嶓者皆曰漢江有內水中水
外水之異漢有西漢水東漢水之殊滄浪水蓋今漢
之夏水至漢陽軍觸大別山南入于江

夏汭

昭四年

漢水觸大別山南折與江水會謂之夏汭亦曰夏口
在漢陽軍北鄂州西界盛洪之山川記曰二水之間
謂之夏洲首尾七百里華容監利二縣在其中矣此

水冬塞夏通謂之夏水蓋夏則會於荆鄂之間通曰
夏汭冬則會于漢陽乃為夏口今漢陽軍漢陽縣有
沔口是也

渭

閏二
年

地理志云出隴西首陽縣西南鳥鼠同穴山東至京
兆船司空縣入河過郡四行二千七百六十里蓋渭
出首陽經南安天水扶風略陽始平京兆至弘農華
陰縣入河今渭源在熙州渭源堡鳥鼠山經秦隴鳳

翔至京兆咸陽縣會澧水于矩山在咸陽南數里又東會涇水于高陵之間在咸陽東數十里山海經曰涇渭合流三日清濁不雜東合漆沮水至潼津入河在華陰縣北入河春秋之渭汭也杜預曰水之隈曲曰汭呂忱曰汭者水相入也

涇成十三年

地理志云出安定郡涇陽縣西筭頭山東南至馮翊陽陵縣入渭過郡三行六十里山在靈州東南土

俗謂之开屯山按筭頭山名雞頭山一名崆峒山淮南子云涇水出薄落山亦此山別名水經注大隴山之異名山海經謂出高山水經謂出高山之涇谷今在鎮戎軍高平縣東南過原涇隴耀等州至京兆醴泉縣出山即古之谷口縣至雲陽為涇峽至府東高陵入渭此外有白公渠引涇注渭在高陵鄭國渠引涇注洛在瓠口非禹故道

汾

僖十六年

出憲州靜樂縣管涔山至太原府西北

伊

僖十一
年下同

地理志云出弘農盧氏縣東熊耳山東北入雒過郡
二行四百五十里顏師古云出陸渾山水經伊水出
南陽縣西荀渠山注引山海經曰蔓渠之山伊水出
焉淮南子曰伊水出上魏山按熊耳山在虢州東南
盧氏縣之南河南府伊陽縣古陸渾地山在伊闕之
西二山相接禹闢伊闕以通水望之如闕伊水歷其

洛

間流始大孔安國云會洛于洛陽之南為四水之首
地理志云出弘農上雒縣冢嶺山東北至鞏入河過
郡二行一千七十里山海經曰出上洛西山水經曰
上洛謹舉山其實一也禹貢曰導洛自熊耳按熊耳
山乃在盧氏縣東為伊水之源洛水則出商州上洛
縣北冢嶺山東逕熊耳山北博物志曰洛出熊耳蓋
開其滯也自此會澗瀍于河南之南會伊水于洛陽

之南又東過偃師縣南至鞏縣東又北入于河

洛汭

昭元年

天王使劉定公勞趙孟於潁館於洛汭劉子曰美哉
禹功即鞏縣東北水曲流曰汭山海經曰洛水成臯
西入河是也謂之洛汭即什谷也

彭

桓十二年

出房州境至襄陽入漢

鄆

桓十三年

水經注夷水導源中廬縣界康狼山又謂之鄔水東

南流歷襄陽府宜城縣北流入漢

睢

僖十九年

首受陳留浚儀蕩蕩水東經南京亳州沛縣東南流至徐州入泗謂之睢口水經止蕭縣入于睢非也

泓

僖二十二年

寰宇記云拱州拓城縣西北三十五里

潁

宣十年

出西京登封縣西北少室山至壽春府入淮

洧

成十七
年下同

出鄭州密縣西北陽山東南至淮寧府西華縣入潁

汝

出蔡州汝陽縣大孟山東北至褒信入淮

湔

襄十六
年下同

出孟州濟源縣西北源山南遙原山西至溫縣入河

春秋會于湔梁謂是水之漬梁爾雅曰梁莫大於湔

梁梁水堤也

湛

水經注湛水出犍縣北魚齒山西北東南流厯魚齒山下為湛浦方五十餘步又東於汝水九曲北東入汝犍縣在今汝州魯山縣東南

旃然

十八年

自孟州汜水縣東南入汴水

黃

襄二十八年

尉氏縣西有黃水西南至鄭州新鄭縣城西入洧

濮

哀二十七年

衛地自東京酸棗縣傍河東北經興仁府濟陰至高

平入濟

泚

僖三十三年

出汝州魯山縣東經汝州襄城縣至潁川入汝

凍

成十三年

出解州聞喜縣東山黍葭谷俗謂之華谷過解縣東

又西南注張陽池

澮

成六年

出絳縣東澮山西過翼城縣南又西南過虢祁宮注

汾水

灤

桓十八年

出濟南府歷城縣西南泉源上水涌若輪又北流入

濟謂之灤口

淮

襄十八年下同

地理志云出琅邪箕屋山北至都昌縣入海過郡三
行五百二十里淮南子云出覆舟山或云出濰山按
濰一名覆舟山在密州莒縣北八十里正漢箕縣地
箕縣故城在此山東北又接青州箕山箕山者無木
而圓峭縣因名然則箕屋覆舟山同名異水過密州
城東北至高密入濰州及昌邑縣界入海昌邑即古
都昌也

沂

地理志云出泰山蓋縣南至下邳入泗過郡五行六
百里按沂出沂州沂水縣沂山即東泰山也在縣北
百餘里曾皙舞雩之郊其水西南流至淮陽軍下邳
縣分為二一從縣城北西南入泗一從城東曲過縣
南號小沂水亦入泗

沂

昭二十
五年

出襲慶府仙源縣東南流過下邳縣西南入泗

少水

襄二十
三年

水經注沁水逕沁縣故城北蓋藉水以名縣乃春秋之少水也京相璠曰晉地矣又曰少水今沁水也

窮水

昭二十七年

水經注窮水出安豐縣窮谷左傳楚救潛司馬沈尹戌與吳師遇于窮谷川流泄注于決水之右北灌安豐之左世謂之豐水亦曰窮水音戎並聲相近字隨讀轉北流注于淮

而多
襄三
年

水經時水東至臨淄縣西屈南過泰山新泰縣東又南至費縣東入于沂注時即𣶒水也音而春秋齊晉盟于𣶒者也京相璠曰今淄惟有澧水西北入涕即地理志曰如水也𣶒如聲相似然則澧水即𣶒水也蓋以澧與時合得通稱矣

泗

襄十九年

地理志云出濟陰乘氏縣東南至臨淮睢陵縣入淮過郡六行一千一百一十里今襲慶府泗水縣陪尾

山源有四泉俱導因以為名在挑虛西北逕泗水縣
故城南即襄二十九年季武子取卞是也南有姑蔑
城水出二邑之間西至徐州有沛水睢水入又西南
至淮陽軍沂水入與淮水合自此東至楚州山陽縣
入淮謂之泗口沂至泗口百餘里

洙

莊九年

出龍慶府臨樂山至縣西南合入泗

潯

襄十九年

出沂州費縣西南連青山下東北流又折而西南流入徐州滕縣界至單州魚臺縣入泗

汶

倍元
年

地理志云出泰山萊蕪縣原山西南入沛又云出琅邪朱虛縣東泰山東至安丘入濰師古曰或有二汶水乎述征記曰泰山郡水皆曰汶今襲慶府乾封縣有五汶瀛汶柴汶之屬源別流同則汶不止一源明矣朱虛之汶出沂州沂水縣小泰山至濰州北海縣

入澠此水不達于濟與經不合惟原山在淄川乾封
二邑間淄水出其東北東流入海汶水出其西南西
流至東平府中都縣接濟州鉅野界入濟

淄

昭二十
六年

地理志云出泰山萊蕪縣原山東北至千乘博昌縣
入濟淮南子云出飴山亦是原山在淄州淄川縣東
南古萊蕪城在焉流至青州壽光縣與澠水合至博
興縣入海本博昌縣後唐避諱改焉溝洫志云自禹

後齊通淄濟之間志云淄入濟非古也

澠

昭十
二年

出青州臨淄縣北經壽光縣南界入時水

姑

昭二十
年下同

出登州黃縣山西北經萊州即墨縣至密州膠西縣

東南入海

尤

出密州膠西縣姑水東南入海姑尤以東即此

沙水

昭二十七年

水經自新溝東北經牛首東北渠即沙水也楚東有沙水謂此水東南逕扶溝東又南與蔡陂合又東南逕淮寧府城東曰百尺溝又東南流注潁謂之交口自溝東南逕城父西南入淮謂之沙汭京相璠曰楚東地也子常以舟師及沙汭而還杜預曰沙水名也

澆

莊四年

出隨州隨縣西北黃山南東南逕隋縣西又南流注

于鄆

漳

宣四年

出襄陽府南漳縣東荆山東南又南至枝江縣北至
荆門軍當陽縣東南入沮

雎

定四年
下同

出新城經襄陽府至江陵府枝江縣入江

清發

吳敗楚柏舉從之及于清發水經涓水過江夏安陸

縣西注云晉太安二年劉弘遣皮初與張昌戰於清
水昌敗追斬於江渚即春秋清發在今德安府界

雍澁

禹貢過三澁至于大別南入于江孔氏云在江夏竟
陵縣入漢三澁之別不可復知今澁水出郢州長壽
縣磨石山名澁水東南流至復州景陵縣名汭川至
漢陽軍漢川縣入漢傳言濟漢而陳自小別至于大
別吳敗楚于雍澁五戰及郢在今景陵漢川間也

涌

莊十
八年

水經江水當華容縣南涌水出焉又東涌水注之注
云水自夏水南通於江謂之涌口春秋所謂閼敖游
涌而逸於二水之間者也華容今監利石首縣地

桐

哀十
五年

出廣德軍西南桐源山西北入丹陽湖

洹

成十
七年

出相州林慮縣東北至北京成安縣又東過內黃縣

北東入于白溝說文洹水出晉魯之間

成臼

定五年

水經注水出竟陵縣東北耶屈山一名盧屈山西流注于沔昭王奔隨濟于成臼謂是水也

濡

昭七年

出順安軍高陽縣東北至莫州任丘縣入易水任丘漢莫縣也莫州出順安軍七十一里

東海

僖四年

左傳以齊竟東至于海按禹貢海岱惟青州孔安國曰東北據海又曰海濱廣斥濱言涯也故海環中國而禹貢獨以言青州之境青州跨海故也

南河

僖二十八年

自河南濟從衛州南渡出衛南而東曹國在今廣濟定陶縣在衛之東故晉侯侵曹假道于衛衛人不許還自南河濟即此

水闕名七

滑

宣八
年

洮

昭元
年

羅

五
年

彭

二十
年

駸

二十
九年

泓

哀十
三年

水釋異

洛入于渭者秦地之洛入于河者雒地之雒而北地故
歸德縣亦有洛水入于河

澧在永興入河而南陽有澧水東入汝

涇在永興入渭而宣城有涇水出蕪湖

淮出桐柏東入海而房陵有淮水東入漢故丹陽陵陽

縣有淮水北入江

沂水有大沂水小沂水

汶魯水也而茂州有汶水

漢出嶠冢山而蜀漢州有漢水入延

蒲出故曲逆縣蒲陽山東入濡祁州蒲陰亦有蒲水東
入河

澮出翼城晉水也而鄭之秦水故澮國居之亦曰澮水
彭出故新城昌魏入江而豫章有彭水東入湖

濮衛水也酈元云過韋城分為二瀆北濮出焉又陳地
亦有濮又建寧濮夷亦因水命名

春秋分記卷三十三

欽定四庫全書

春秋分記卷三十四

宋程公說撰

書十六

疆理書第十

地名歸一

王畿

鄠鎬

又曰宗周京周

雒邑

左氏又曰王城郊鄩

東周

亦曰成周

溫

隱三年左氏又曰蘇左

樊

十一年下同左氏又曰陽樊

隰

左氏又曰隰城

盟

左氏又曰盟津

翟泉

僖二十九年公羊作狄泉

京

昭二十二年左氏又曰京楚

訾

二十三年左氏又曰東訾

尸

二十六年下同
左氏又曰尸氏

闕塞

左氏又
曰闕外

魯地

蔑

隱元年 公穀
作昧 注作姑蔑

潛

二年 纂例公羊
作岑 今本作潛

崇

五年
又作唐

防

九年 公
羊作邠

曲池

桓十二年
公羊作毆蛇

奚

十七年

穀梁作郎

祝丘

莊四年

穀梁作禔
纂例公羊
今皆作祝

旣

九年公
羊作暨

郿

二十八年
公羊作微

酈

僖元年
公羊
作黎穀梁作麗

卞

十七年
公羊或作弁
纂例

郛

文七年
左
氏又曰五郛

鄆

十二年
左氏又曰鄆
田本莒邑公羊作運

台

襄十二年
穀梁作郇

蚡泉

昭五年
公羊作
潰泉穀梁作賁

昌間

二十二年
公羊作昌姦

啟陽

哀三年
公
羊作開陽

毗

五年
公羊作比陸
德明云本又作訖

邾瑕

六年
公羊
作邾婁葭

闡

八年
公羊作
闡按類篇
闡同魯地名古字通用

晉地

晉

昭元年 左氏又曰大夏參墟大原晉陽公穀作大鹵

曲沃

隱五年 左氏僖四年又曰新城十年又曰下國

絳

莊二十六年 左氏成六年又曰故絳

二屈

二十八年 左氏又曰屈

高梁

僖九年下同 左氏僖十五年又曰高梁之墟

沙鹿

十四年 哀四年又曰五鹿

韓

十五年 左氏作韓原又曰宗丘

郇

二十四年下同 左氏成六年又曰郇瑕氏

縣上

左氏又曰縣

清原

三十一年左氏又曰清

先茅之縣

三十三年左氏又曰茅

郚

文六年左氏又曰郚邵

黃父

十七年左氏又曰黑壤

邢丘

宣六年成二年亦曰邢

斷道

宣十七年左氏作卷楚

絳

成六年左氏又曰新田

茗丘

十六年 公
羊作招丘

雍榆

襄二十三年
公穀作雍渝

鄩

襄二十六年
左氏又曰鄩田

楊

昭五年 左
氏又曰楊氏

五氏

定九年 左
氏又曰寒氏

齊地

艾

隱六年 公穀同 桓十五
年 公羊作鄩穀梁作蒿

糕

莊二年
公羊作鄩

穀

昭十一年桓公為
管仲城小穀同此

落姑

閔元年
穀作洛姑 公

鄫

僖二十六年
公穀作鄫

鄆丘

文十六年
犀丘穀梁作師丘 公羊作

素婁

成二年
梁作婁婁 穀

祝柯

襄十九年
督楊公羊作祝阿 左氏作

夾谷

定十年
祝其公羊作頰谷 左氏作

犁

哀十年
傳又曰隰 左

宋地

宋

隱元年左
氏又曰商丘

虛

桓十二年下
同公羊作郟

穀丘

左氏作句
瀆之丘

袤

十五年
公羊作侈

桴

僖元年左氏
作桴公羊作打

貫

二年公
羊作貫澤

孟

二十一年公羊作
霍穀梁作雩或作宇

緡 二十三年
穀梁作閔

衛地

衛 左氏又
曰商虛

垂 隱八年 左
氏作犬丘

越 桓元年 陸德明云公羊本作
粵按漢書越作粵古字通用

首止 僖五年 穀
梁作首戴

沙 定七年 左氏作瑣 成十
二年瑣澤公羊作沙澤同

垂葭 定十三年 公羊作
垂瑕 左氏作耶氏

牽

十四年 左氏作脾
上梁之間 公羊作堅

鐵

哀二年 公羊作
栗纂例云 或作秩

城鉏

哀二十五年
左氏又曰外里

蔡地

即陽

昭十九年 二十
三年 左氏作即

陳地

夷

僖二十三年 昭九年經作夷
左傳此年及哀六年作城父

辰陵

宣十一年
穀梁作夷陵

鄭地

制

隱元年 左
氏又曰號

制

五年 又曰虎牢
杜註又曰北制

祊

八年 公
穀作邲

時來

十一年 左氏又
作邾公羊作邾黎

滑

莊三年
公穀作卽

新城

僖六年 左
氏作新密

原

隱十一年 僖三十
三年 左氏又曰原圃

垂隴

文二年 公
羊作垂斂

暴

八年 又
曰暴隧

斐林

宣元年 公
羊作斐林

蟲牢

成五年
注作桐牢

邠

襄七年 下同 陸德
明云穀梁本又作隄

郕

公羊穀
梁作操

亳城北

襄十一年 穀
梁作京城北

臯鼫

定四年 公
羊作浩油

曹地

鄭

昭二十年
穀梁作夢

燕地

燕

莊三十年
亦曰北燕

唐

昭十二年
亦曰陽

楚地

楚

莊十四年書曰荆僖公元年書
左氏始終作楚傳又曰郢

那處

十八年
左氏又曰聃左

陘

傳四年左
氏作陘隰

析

二十五年左
氏又作白羽

沈

宣十二年
或作寢

州來

成七年穀
梁亦作州來

雞父

昭二十三年
穀梁作雞甫

召陵

定四年下同
明云公羊作邠陵
陸德

柏舉

公羊作伯莒
穀梁作伯舉

吳地

善道

襄五年公
穀作善稻

攜李

定十四年
公羊作醉李

鄭

哀十二年左氏亦
曰發陽公羊作運

杞地

杞

僖十四年
亦曰緣陵

無婁

宣十五年
公羊作牟婁

莒地

紀

昭十九年
亦曰紀鄆

邾地

邾

隱元年 公
羊作邾婁

偃

僖元年
公羊作纓

訾婁

三十三年 穀梁
作訾婁公羊作叢

繹

宣十年
公羊作蕝

虢地

虢

僖二年 下同 公羊
作郭穀梁亦作虢

下陽

公穀作夏陽據上陽下
陽俱虢邑都左氏為是

邢地

夷儀

僖元年
羊作陳儀公

紀地

浮來

隱八年
羊作包來公

鄫

莊三年
羊亦作鄫公

郕地

郕

隱五年
公羊作盛

夫鍾

桓十一年
童按類篇云夫童郕地

國名

郛

莊五年經書郛公羊作倪又作兒僖七年小郛

越

昭三十二年經書越定五年於越

鄆

僖十四年穀梁作鄆哀七年公羊作鄆衍

麋

文十一年公羊作圉

徧陽

襄十年公羊作傳陽陸德明云左氏或作逼

夔

僖二十六年公羊作隗

郛

桓十一年宣四年左氏作郛

須句

文七年 公
羊作須句

賴

昭四年 公羊穀梁作厲公羊
疏云亦有作賴字按厲賴音同

舒蓼

宣八年 穀
梁作舒戮

邾

襄十三年
公羊作詩

崇

宣元年
公羊作柳

戴

隱十年 左氏
作戴公穀作載

雒戎

文八年 公
羊作伊雒戎

陸渾戎

宣三年 公
羊作賁渾戎

茅戎

成元年 公羊
穀梁作買戎

廋咎

成三年 公羊作將
咎如 穀梁作牆咎如

古國地

有窮

窮石

過

有過

奄

商奄

駸川

駸夷

有仍

仍

已上並見左傳

闕地

折桓十一年 陸德明

狸脈成十七年 公羊作狸軫穀梁

稷祥昭十一年 下同

厥憇公羊作屈銀

安甫定十年 公羊作寧

渠蔭定十五年 公羊作蔭

春秋分記卷三十四

欽定四庫全書

經部

程氏春秋分記卷三十五
七

詳校官監察御史臣李陽樾

給事中臣溫常綬覆勘

總校官原任中允臣王燕緒

校對官主簿臣汪日贊

謄錄監生臣李大綬

謄錄監生臣李玉璣

欽定四庫全書

春秋分記卷三十五

宋程公說撰

書十七

疆理書第十一

地理釋異上

魯有二

傳為魯夫人魯國也今襲慶府仙源縣

昭二十九年劉累遷魯縣王畿也今汝州魯山縣

鄭有二

先鄭今華州鄭縣

新鄭今鄭州新鄭縣

曹有二

桓九年曹太子來朝曹國也今廣濟軍定陶縣

閔二年秋立戴公廬于曹衛邑也今滑州白馬縣

燕有二

隱五年衛人以燕師伐鄭南燕也今滑州胙城縣

莊三十年謀伐山戎以其病燕北燕也今幽州薊縣

秦有二

桓四年秦師圍魏秦國也今秦州隴城縣

莊三十一年築臺于秦魯地也今濮州范縣

滕有二

隱七年滕侯卒滕國也今徐州滕縣

閔二年共滕之民衛邑也

莒有三

隱二年莒人入向莒國也今密州莒縣

昭三年齊侯田于莒齊東境二十六年陰忌奔莒周邑也

越有二

桓元年公及鄭伯盟于越衛地也其地近垂垂今興仁府乘氏縣

昭三十二年吳伐越越國也今紹興府

虞有二

桓十年虢公出奔虞仲雍之後虞國也今陝州平陸縣
哀元年少康奔有虞古虞國也今應天府虞城縣

虢有四

僖五年虢仲虢叔王季之穆此二西虢也

武王克殷封仲於西虢封

叔在仲國之西故曰二西虢

仲之封今陝州陝縣又以別於鳳翔之虢故亦謂之
南虢

叔之封今鳳翔府虢縣以虢在中國之西又謂之西

號

隱元年制巖邑也號叔死焉東號也今鄭州滎陽縣
昭七年齊侯次于號燕地也

州有二

隱十二年向盟州陘王畿也今河內縣桓五年州公如
曹即此左氏誤以州公為淳于公杜遂承誤釋州為
淳于國按淳于在今密州高密縣非州也

桓十一年隨絞州蓼伐楚師州國也今江陵府監利縣

隨有二

隱五年翼侯奔隨晉地也

桓六年楚武王侵隨隨國也今隨州隨縣

邢有二

隱五年邢人伐翼邢國也今信德府龍岡縣

成二年申公巫臣為邢大夫晉地也亦曰邢丘今懷州

河內縣

唐有四

隱二年公及戎盟于唐魯地也今單州魚臺縣

宣十二年楚子使告唐惠侯唐國也今隨州唐城縣

昭元年及成王滅唐而封大叔焉唐即晉國今太原府

陽曲縣唐叔子燮父改唐為晉

十二年納北燕伯款于唐燕地也亦曰陽今中山府唐
縣

鄧有三

隱十年公會齊侯盟于鄧魯地也

桓二年蔡侯鄭伯會于鄧蔡地也今潁昌府鄧城縣
九年巴子請與鄧為好鄧國也今襄陽府鄧城縣

黎有三

宣十五年晉立黎侯黎國也今潞州上黨縣

哀十年趙鞅伐齊取黎及轅齊地也

十一年衛大叔疾寘其妻娣於黎衛邑也今黎陽縣

梁有二

桓九年梁伯伐曲沃梁國也今同州夏陽縣

哀四年楚人襲梁及霍蠻子邑也今汝州梁縣

滑有三

三滑皆非
今滑州

莊三年次于滑鄭地也今拱州襄邑縣

十六年滑伯同盟于幽滑國也今西京偃師縣緱氏鎮

宣八年楚子及滑汭楚地水名見水門

穀有四

桓七年穀伯綏來朝穀國也襄陽府穀城縣

莊七年夫人會齊侯于穀齊地也今東平府東阿縣鄭

以為陽穀誤也

三十二年城小穀魯地也今曲阜西北小穀城

左氏以為齊邑

誤詳見內魯

僖三年會于陽穀亦齊地也今東平府陽穀縣

郕有二

桓二年取郕大鼎于宋北郕也今單州成武縣

僖二十年郕子來朝南部也今單州有兩郕城

成十三年焚我箕郕晉地也

鄆有三

僖十四年季姬及鄆子遇于防哀七年會吳于鄆鄆國也今沂州承縣

襄元年諸侯之師次于鄆鄭地也今拱州襄邑縣

沈有二

文三年會晉人伐沈沈國也今蔡州汝陽縣東

宣十二年沈尹將中軍楚縣也今光州固始縣

舒有四

僖三年徐人取舒今廬州舒城縣

文十四年楚伐舒蓼今安豐軍

成十七年楚滅舒庸

襄二十四年舒鳩人叛楚今無為軍巢縣

皆羣舒國

鄆有四

桓十一年鄆人軍於蒲騷鄆國也亦作郛今復州沔陽縣

昭十四年楚使鬬辛居鄆楚地也今復州竟陵縣

哀十一年太叔殞于鄆衛地也

十二年會于鄆吳地也今泰州海陵縣

霍有二

閔元年晉滅霍霍國也今平陽府霍邑縣

哀四年襲梁及霍蠻子邑也在梁南四十五里

魏有二

桓三年芮伯出居于魏魏地也今陝州芮城縣

閔元年賜畢萬魏文十三年魏壽餘以魏叛古魏國也

今河中府永樂縣

焦有三

僖二十三年楚伐陳取焦夷陳地也今亳州譙縣

宣二年秦師圍焦晉河外邑也

襄二十九年虞虢焦滑焦國也今陝州平陸縣

邠有二

隱十一年王取鄔劉蔦邠之田于鄭鄭地也

僖二十四年邠晉應韓

邠國也
今懷州

哀七年宋伐曹築邑於

邠曹地也

茅有三

隱十一年攢茅王畿也今懷州修武縣

僖二十三年先茅之縣晉地也今陝州平陸縣

二十四年茅周公之肩也今濟州金鄉縣

夷有四

隱元年紀人伐夷夷國也今萊州即墨縣

莊十六年晉伐夷執夷詭諸王畿也

杜預於世族譜以夷詭諸合紀人所

伐之夷
誤也

閔二年齊人殺哀姜于夷齊地也

杜預曰魯南鄙公羊曰齊地按齊人以尸

歸當是
齊地

僖二十二年伐陳取焦夷昭九年遷許于夷陳地也夷

亦曰城父今亳州城父縣

向有五

隱二年莒人入向國也今宿州蕪縣

鄭樵以為沂州誤也

十一年蘓忿生之田向及桓七年盟向王畿也今孟州

濟源縣

桓十六年城向魯邑也

宣四年公伐莒取向莒地也今沂州承縣

襄十一年師于向鄭地也今潁昌府長社縣

任有二

僖二十一年任宿須句任國也今濟州任城縣

襄三十年羽頡為任大夫晉邑也今信德府任縣

黃有三

隱元年敗宋師于黃宋邑也今開封府雍丘縣東

桓八年黃隨不會黃國也今光州定城縣

十七年公會齊紀盟于黃齊地也

蓼有二

桓十一年隨絞州蓼伐楚師今唐州湖陽縣

文十四年楚伐舒蓼今安豐軍

巢有二

文十二年楚人圍巢巢國也今無為軍巢縣

哀十一年大叔疾處巢衛地也

莘有五

桓十六年衛侯使盜待諸莘衛地也今大名府莘縣

莊十年荆敗蔡師于莘蔡地也

三十二年神降于莘號地也今陝州有莘原

僖二十八年晉侯登有莘之墟古莘國也今東京陳留

縣

成二年師從齊師于莘齊地也今博州武水縣

密有四

隱二年莒紀盟于密莒地也今密州高密縣

閔二年莒人歸共仲於魯及密魯地也今沂州費縣

僖六年圍新密鄭地也亦曰新城今鄭州密縣

昭十五年密須之鼓古密國也今涇州靈臺縣

雒有二

宣三年楚子至于雒王城也今西京

十五年晉侯還及雒晉地也

郊有二

宣三年定鼎于郊鄆王城也郊鄆二山

昭元年犇櫟郊鄭地也後屬楚今汝州襄城縣

王城有二

僖十一年戎入王城二十五年王入于王城今河南府

十五年會秦伯于王城秦地也今同州朝邑縣

武城有三

非今恩州
武城縣

僖六年許僖公見楚子於武城楚地也今鄧州南陽縣

文八年秦人伐晉取武城晉地也今同州

襄十九年城武城魯地也今沂州

新城有四

非今河南新城及臨安新城縣

僖四年晉申生奔新城晉地也今絳州曲沃縣

六年圍新城鄭地也今鄭州密縣

文四年圍邠新城秦邑

十四年同盟于新城宋地也今南京穀熟縣

方城有二

僖四年方城為城定四年欲悉方城外衆楚方城山也
自此陽縣至方城縣

文十六年侵庸及方城庸地也今房州竹山縣

城父有二

昭九年遷許于夷實城父哀六年救陳師于城父今亳
州城父縣

十九年太子建居城父楚地也今汝州葉縣

武父有二

桓十二年公會鄭伯盟于武父鄭地也今東京濟陽鎮
定四年自武父以南衛北界也

姑蔑有二

隱元年公及邾儀父盟于蔑定十二年敗諸姑蔑魯地
也今襲慶府泗水縣

哀十三年彌庸見姑蔑之旗越地也今衢州龍游縣
重丘有二

襄十七年飲馬于重丘曹地也

二十五年同盟于重丘齊地也今安德府

渠丘有二

成八年假道于莒與渠丘公立於池上莒邑也今密州

安丘縣

昭十一年齊渠丘實殺無知齊地也今青州臨淄縣

楚丘有二

隱七年戎伐凡伯于楚丘以歸戎邑也今拱州楚丘縣

杜預以為衛邑
誤也詳見戎地

僖二年城楚丘衛文公徙居楚丘衛邑也今開德府衛南縣

葵丘有二

莊八年齊侯使連稱管至父戍葵丘齊地也今青州臨淄縣西

僖九年公會宰周公于葵丘宋地也今東京陳留縣東守成不出邦域之內故管至父所戍即臨淄之葵丘若盟會當於四通五達之都諸侯所畢會陳留雍丘

實當其衝是宜會宰周公於此

亳有三

此外又有亳城在絳州垣曲縣

莊十二年公子御說奔亳宋地也今南京穀熟縣曰南亳拱州考城縣曰北亳

昭四年湯有景亳之命王畿也今西京偃師縣謂之西亳商自契至祖乙號為商至盤庚治亳殷改曰殷則亳殷今偃師也湯或其先公必常居此故盤庚曰先王適于山及湯為諸侯徙居南北亳故書曰湯始居亳

從先王居是也今穀熟去寧陵之葛伯城不遠百里故孟子曰與葛伯為隣此即御說所奔之亳湯所遷也凡西南北三亳湯必居其一而建一以為都春秋時西亳為王畿南亳北亳為宋地

良有二

昭十三年晉侯會吳子于良水道不可宋地也今淮陽軍

哀十五年陳侯使公孫貞子弔吳及良而卒吳地也

鄆有二

隱元年鄭伯克段于鄆鄭地也今東京鄆陵縣

桓十三年及鄆亂次以濟昭四年遷賴于鄆楚邑也今襄陽府宜城縣

鄆陵有二

文七年穆叔登鄆陵城營地也

成十六年晉及楚鄭戰于鄆陵鄭地也今鄆陵縣

潛有二

隱二年公會戎于潛魯地也

昭二十七年吳圍潛三十一年吳侵潛六楚邑也今安

豐軍

盧有二

隱三年尋盧之盟齊地也今濟南府長清縣

襄十八年圍盧弗克二十九年高氏以盧叛亦齊地也

今東平府陽穀縣

清有六

隱四年公及宋公遇于清衛地也今東平府東阿縣

閔二年清人鄭邑也今開封府中牟縣

宣十二年盟清丘亦衛地也今濮州臨濮縣

鄭樵以為在東阿誤

也

十三年赤狄伐晉及清晉地也亦曰清原今解州聞喜

縣

成十七年國勝待命于清齊地也今大名府莘縣

哀十一年齊國書高無平伐我及清亦齊地也今東平

府陽穀縣

棠有二

隱五年公如棠觀魚魯地也今單州魚臺縣

襄十四年楚子囊師于棠昭二十年棠君尚楚邑也今

真州六合縣

艾有二

隱六年公會齊侯盟于艾齊地也今沂州

哀二十年吳公子慶忌出居于艾吳地也今隆興府分

寧縣

防有三

隱九年公會齊侯于防莊二十九年城諸及防魯地也

今密州

十年取防宋邑也今單州有西防故城

昭五年莒牟夷以牟婁及防茲來奔莒地也今密州安

丘縣

鄆有二

隱十一年王取鄔劉之田莊二十年王及鄭伯入于鄔

本鄭地後天王易之今西京偃師縣緱氏鎮

鄭樵以
為在懷

州誤
也

昭二十八年司馬彌牟為鄔大夫晉地也今鄔縣

蒲有二

桓三年胥命于蒲成九年盟于蒲衛地也今東京長垣

縣

莊二十八年重耳居蒲晉地也今隰州隰川縣

櫟有三

桓十五年突入櫟莊二十年王處櫟僖二十四年狄伐
鄭取櫟昭元年楚公子圍城讎櫟郊鄭地也今潁昌
府陽翟縣

襄十一年秦侵晉及櫟晉地也

昭四年吳伐楚入棘櫟麻楚地也今蔡州新蔡縣

棘有九

宣二年宋鄭戰于大棘宋地也今拱州襄邑縣

成三年僑如圍棘取汶陽田魯邑也今龍慶府龔丘縣
襄十八年城上棘鄭地也今潁昌府陽翟縣

二十四年棘澤鄭地也今潁昌府長社縣

二十六年吳克棘楚地也今亳州鄆縣

昭十年桓子召子山而反棘焉齊地也今青州臨淄縣
十七年棘津晉地也今滑州胙城縣

二十五年宋公佐卒于曲棘亦宋地也今東京雍丘縣
東

哀元年棘蒲晉地也

雍有二

僖十三年自雍及絳秦孝公後徙都焉今鳳翔府天興縣
二十四年雍文之昭也今懷州修武縣

齊有二

隱三年齊鄭盟于石門齊國也

昭二十三年劉子焚齊周邑也

京有二

隱元年太叔居于京鄭地也

昭二十二年子朝奔京周地也

楊有二

襄二十九年楊姬姓也屬下陽郡是國名

昭二十二年劉子奔楊是周邑

陘有三

隱十一年蘇忿生之田有陘是周地

僖四年師進次于陘是楚地

定十四年闔廬卒于陘是吳地

祭有二

隱元年祭伯來是畿內國

成十一年祭封人是鄭地

沂有二

宣十一年為艾獵城沂是楚地邑名

昭二十五年季平子請待于沂上是魯城南水名

郕有二

莊八年郕降于齊師是國名

襄十六年齊侯伐我北鄙圍郕是魯地亦名成

房有二

昭十三年靈王遷許胡沈道房申於荆焉是國名

定五年季平子卒于房是魯地

萊有二

襄六年齊滅萊是國名

昭七年與之萊柞魯二山名

薛有二

隱十一年滕薛來朝是國名

莊三十一年築臺于薛是魯地

東陽有三

襄二年晏弱城東陽齊地也

二十三年趙勝帥東陽之師以追齊師晉地也

哀八年吳師克東陽吳地也

汾有二

成六年有汾澮以流其惡是晉地水名

襄十八年子庚治兵於汾是楚地

洮有三

莊二十七年公會杞伯姬于洮是魯地

僖三十一年自洮以南東傳于濟是曹地

昭元年宣汾洮晉地水名

稷有二

成二年會于稷是宋地

定五年使楚人先與吳戰而自稷會之是楚地

夷儀有二

僖二年邢遷于夷儀是邢地其後衛滅邢而入于衛

定九年齊伐晉夷儀是晉地

邾有二

襄十三年取邾是小國

十八年晉伐齊克邾是齊地

杏有二

昭二十四年攻瑕及杏是敬王邑周地也

定九年致襍媚杏於衛又有北杏見莊十三年並齊地

賴有二

昭四年楚滅賴是小國

哀六年使胡姬以安孺子如賴是齊邑

陽有二

閔二年齊人遷陽國名

昭十二年齊納北燕伯于陽燕別邑

虛有二

莊十二年公會宋公于虛是宋地

成十七年鄭侵晉虛滑是晉二邑

新里有二

僖十八年梁伯益其國而命之曰新里

昭二十年敗華氏于新里是宋地

鞏有二

成二年戰于鞏是齊地

哀十四年益宰七邑是宋地

共有二

隱元年太叔出奔共國名

閔二年益以共滕之民衛別邑

申有二

莊六年楚文王伐申小國名

文八年自申至于虎牢之境是鄭地

邾有二

隱十一年會于邾鄭地也亦名時來

襄十四年以邾寄衛侯齊地也

南里有二

襄二十六年楚入南里是鄭邑

昭二十一年華氏以南里叛是宋地

郊有五

文三年秦伐晉取王官及郊是晉地

昭二十三年晉人圍郊是周地

定十三年衛伐曹克郊是曹邑

哀十一年及齊師戰于郊是魯地

十三年越伐吳及郊是吳地

厲有二

僖十五年齊師曹師伐厲是小國

宣九年楚子為厲之役故伐鄭是鄭地

柎有二

襄十年會吳于柎是楚地

昭六年鄭伯勞楚公子棄疾於相是鄭地

潁有二

襄十八年楚師伐鄭遂涉潁是水名

昭九年晉率陰戎伐潁是周邑

費有二

僖元年公賜季友汶陽之田及費魯地也

襄十八年楚以銳師侵費滑即滑國所都之費也

鄆有二

僖二十六年公追齊師至鄆是齊地先屬紀

僖二十八年楚師背鄆而舍是衛地險阻處

鄭有二

僖二年伐鄭三門是虞邑

襄十九年楚追越師至鄭是越地又有上鄭見成二年

呂有二

成七年子重請取於申呂古呂國也後為楚地今蔡州

新蔡縣

襄元年楚侵宋呂留宋地也今徐州

鄆有二

成四年城鄆昭二十六年處鄆魯地也曰西鄆今濟州

鄆城縣

文十二年城諸及鄆成九年楚入鄆襄十二年救台入

鄆昭元年伐莒取鄆莒邑也魯取之曰東鄆今沂州

沂水縣

鄆有二

襄十年魯鄒邑亦作耶今仙源縣

隱元年邾儀父都于鄒也今鄒縣

翼有二

隱元年盟翼邾地也

五年伐翼晉都也今絳州翼城縣

孟有四

隱十一年王取為邾之田于鄭邾亦作孟鄭地也

僖二十一年宋楚會于孟宋地也

昭二十八年孟丙為孟大夫哀四年齊伐晉取于孟晉地也今太原府孟縣

定十四年蒯聵獻孟于齊衛東地也

丘輿有三

成二年晉入丘輿齊地也

三年敗諸丘輿鄭地也

哀十四年葬諸丘輿魯地也今費縣

鄆有二

莊元年齊師遷紀邢鄆鄆紀地也今濰州昌邑縣
十一年公敗宋師于鄆魯地也

訾有五

成十三年鄭公子班自訾求入鄭地也

昭二十三年單子取訾王畿也今鞏縣

文十六年訾敖

昭十三年訾梁

二十五年訾並楚地

鄆有二

莊十四年會于鄆衛地也今濮州鄆城縣

成十一年劉子盟于鄆王畿也

鄆有二

宣十一年楚左尹侵宋王待諸鄆楚地也

十二年楚子北師次于鄆鄭地也

柯有三

莊十三年公會齊侯盟于柯齊地也今東平府東阿縣

襄十九年盟于祝柯亦齊地也又曰督揚今濟南府禹

城縣

會晉士匄于柯衛地也今大名府內黃縣

督揚有二

成十六年我師次于督揚鄭地也

襄十九年盟于督揚齊地也見前祝柯

平陽有四

宣八年城平陽魯地也曰東平陽今沂州新泰縣

昭二十八年趙朝為平陽大夫晉地也今平陽府臨汾

縣

哀十六年衛侯飲孔悝酒於平陽衛地也今滑州胙城

縣

二十七年盟于平陽魯西地也曰西平陽今襲慶府鄒

縣

平陰有二

襄十八年禦諸平陰齊地也在濟北今東平府平陰縣

昭二十三年晉師在平陰王畿也在河陽今西京洛陽縣北

汜有四

僖二十四年襄王處于汜鄭地也今汝州襄城縣
三十年秦軍汜南亦鄭地也今開封府中牟縣
成四年取汜祭亦鄭地也今孟州汜水縣
昭二十二年王師軍于汜王畿也

扈有二

莊二十三年盟于扈鄭地也今原武縣

昭元年夏有觀扈古國也今京兆府鄠縣

瑣有三

襄十一年還次于瑣鄭地也今東京尉氏縣

昭五年會楚子于瑣楚地也

定七年盟于沙衛地也亦曰瑣今北京元城縣

中年有二

鄭之中牟今東京中牟縣在河南爾雅曰鄭有圃田郭

璞注曰今滎陽中牟縣西圃田澤是也漢書音義臣
瓚案河南中牟春秋之時在鄭之疆內及三卿分晉
則為魏之邦土

定九年晉車千乘在中牟晉地也在河北趙世家曰獻
侯即位治中牟按趙界自漳水以北不及河南臣瓚
云案此中牟當在漯水之上

滎澤有二

閔二年衛人及狄人戰于滎澤衛地也在河北

宣十二年楚潘黨逐之及滎澤鄭地也在滎陽

儵有二

文十六年裨儵魚庸三邑也

十七年將悉敝賦以待於儵鄭地也與晉接境

解有二

僖十五年内及解梁城晉地也今解州

昭二十二年王師軍于解王畿也今洛陽

焉有二

隱十一年王取蕢邠之田于鄭鄭地也

僖二十七年子玉治兵于蕢楚地也

駘有二

昭九年魏駘芮歧畢吾西土王畿也今京兆府武功縣

哀六年毛遷孺子於駘齊地也

鄭樵以為魯地誤也

匡有三

僖十五年遂次于匡衛地也今東京長垣縣

文元年衛侵鄭伐繇訾及匡鄭地也今東京扶溝縣地

十一年會于承匡宋地也今拱州襄邑縣

潞有二

宣十五年潞子嬰兒之夫人赤狄之潞也今潞州潞城

縣

哀八年鮑子及潞齊邑也

垂有三

隱八年宋公衛侯遇于垂衛地也今興仁府乘氏縣

宣八年仲遂卒于垂齊地

定十三年齊侯衛侯次于垂葭亦衛地也今濟州

瑕有六

桓六年楚師軍於瑕隨地也

僖三十年許君焦瑕晉二邑也在河南

成六年居郕瑕氏之地晉地也今解州西南

十六年楚師還及瑕楚地也今亳州蒙城縣

哀六年城邾瑕魯地也今濟州任城縣

七年囚諸負瑕魯地也今襲慶府瑕丘縣

圍有四

襄二十六年從衛師敗之圍衛地也

昭五年鄭伯勞諸圍鄭地也今東京雍丘縣

二十二年伐東圍王畿也今洛陽縣

二十六年遂軍圍澤亦王畿也

制有二

隱元年制巖邑鄭地也今滎陽縣

五年不虞制人北制亦鄭地也今汜水縣

蒙有二

莊十二年蒙澤宋地也今拱州考城縣

哀十七年盟于蒙魯地蒙山也今沂州新泰縣

濮有三

地皆衛

莊二十七年會于城濮

僖二十八年盟于宛濮今東京長垣縣

定八年盟于曲濮

鄆有二

昭十九年鄭陽封人之女奔之生大子建二十三年楚大子建之母在鄭蔡邑也

定十三年次于垂葭實鄭氏衛地也今濟州鉅野縣

械林有二

襄十四年伐秦次於械林注云秦地

十六年次於械林注云許地

春秋分記卷三十五